

20 IULIE

**PARACLISUL
SF. PROROC
ILIE
TESVITEANUL**



PARACLISIERUL PE IULIE-GG



პარაკლისი წმიდისა დიდისა წინასწარმეტყუელისა ელია თეზბიტელისა

მღდელომან: კურთხეულ არს-ი

და უკეთუ ერისკაცია, იტყვს: უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაძთა და ყოველთა წმიდათაძთა, შეგვწყალებ ჩუენ, ამინ.

დიდებაჲ შენდა, ღმერთო ჩუენო, დიდებაჲ შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე ადავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვწყალებ ჩუენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალებ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგვძვენ უმჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგვწყალებ. (3-გზის). დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და

მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიკსნენ ჩუენ ბოროტისაგან.

მღდელმან: რამეთუ შენი არს სუფევად...

უფალო, შეგვწყალებ (12-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა, მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვით ქრისტესა, მეუფესა და ღმერთსა ჩუენსა.

უფალო, შეისმინე ლოცვისა ჩემისაჲ, ყურად-ილე ვედრებაჲ ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებაჲ ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოგკსენე დღეთა პირველთაჲ, და ვიწურთიდ ყოველთა მიმართ საქმეთა შენთა და ქმნულსა ჳელთა შენთასა ვზრახევდ. განვიპყრენ შენდამი ხელნი ჩემნი, და სული ჩემი, ვითარცა ქუეყანაჲ ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღვმესა. მასმინე მე განთიად წყალობაჲ შენი, რამეთუ მე შენ გესავ; მაუწყე მე, უფალო, გზაჲ, რომელსაცა ვიდოდი, რამეთუ შენდამი აღვილე სული ჩემი. მიკსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რადთა ვყო ნებაჲ შენი, რამეთუ შენ ხარ ღმერთი ჩემი;

სული შენი სახიერი მიძლოდენ მე ქუეყანასა წრფელსა. სახელისა შენისათჳს, უფალო, მაცხოვნო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარსწყმიდნე ყოველნი მაჭირვებელნი სულისა ჩემისანი, რამეთუ მე მონაჲ შენი ვარ.

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ალილუია, ალილუია, ალილუია, დიდებაჲ შენდა ღმერთო.
ალილუია, ალილუია, ალილუია, დიდებაჲ შენდა ღმერთო.
ალილუია, ალილუია, ალილუია, დიდებაჲ შენდა ღმერთო ჩუენო, დიდებაჲ შენდა.

ღმერთი უფალი და გამოგვიჩნდა ჩვენ, კურთხეულ არს მომავალი სახელითა უფლისაჲთა.

მუხლი 1. აუვარებდით უფალსა, რამეთუ კეთილ, რამეთუ უკუნისამდე არს წყალობაჲ მისი.

მუხლი 2. ყოველი თესლები გარე მომადგა მე, და სახელითა უფლისაჲთა ვერეოდე მათ.

მუხლი 3. არა მოვკუდე, არამედ ვცხოვნდე, და განვსთქუნე მე საქმენი უფლისანი.

მუხლი 4. ლოდი, რომელ შეურაცხყვეს მაშენებელთა, ესე იქმნა თავ კიდეთა, უფლისა მიერ იყო ესე, და არს საკვკრველ წინაშე თუალთა ჩუენტა.

ტროპარი, ხმა 4.

ჯორცითა ანგელოზმან და წინაჲსწარმეტყუელთა თავმან, ქრისტეს მოსლვისა მეორემან წინა-მორბედმან, ელია ყოვლად დიდებულმან, ზეგარდამო მოანიჭა მადლი ელისეს სენთა ოტებად და კეთროვანთა განწმედად, და პატივისმცემელთა მისთა აღმოუცენებს კურნებასა და დიდსა წყალობაჲ.

დიდებად მამასა და ძესა და წმიდასა სულსა.

იგივე ტროპარი: ჯორცითა ანგელოზმან და წინადასწარმეტყუელთა თავმან, ქრისტეს მოსლვისა მეორემან წინა-მორბედმან, ელია ყოვლად დიდებულმან, ზეგარდამო მოანიჭა მადლი ელისეს სენთა ოტებად და კეთროვანთა განწმედად, და პატივისმცემელთა მისთა აღმოუცენებს კურნებასა და დიდსა წყალობაჲდ.

აწ და მარადის და უკუნითი უკუნისამდე, ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გვფარევდი ოხითა შენითა, ვინმცა დაგვცვნა ჩუენ აქამომდე ფლო-ბილად; არასადა განგეშორნეთ ჩუენ, დედოფალო კურთხეულო, რამეთუ შენ იქსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღვოცე უშჯულოებაჲ ჩემი. უფროდს განმზანე მე უშჯულოებისა ჩემისაგან და ცოდვათა ჩემთაგან განმწმიდე მე, რამეთუ უშჯულოებაჲ ჩემი მე უწყი, და ცოდვაჲ ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რადთა განმართლდე სიტყუათაგან შენთა და სძლო სჯასა შენსა, რამეთუ ესერა, უშჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჭემმარტებაჲ შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმზანო მე და უფროდს თოვლისა განვსპეტაკნე. მასმინო მე გალობაჲ და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უშჯულოებანი ჩემნი აღვოცენ. გული წმიდაჲ დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისაჲ და სულითა მთავრობისაჲ და მამტკიცე მე. ვასწავლნე უშჯულოთა

გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენაა ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხოვდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გონდეს. მსხუერპლ ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღეშენენ ზღუდენი იერუსალემისანი. მაშინ გონდეს მსხუერპლი სიმართლისაჲ, შესაწირავი და ყოვლად-დასაწუელი, მაშინ შეიწირნენ საკურთხეველსა შენსა ზედა ზუარაკნი.

გალობაჲ 1, უგალობდითსა, ჳმაჲ 2

ძლისპირი: ქუეყანასა მწყურნებსა, ვითარცა ხმელსა, განვიდა და შრომათაგან ეგვიპტისათა განერა ერი ისრაელთაჲ, ლაღადებდა: მკსნელსა ჩუენსა და უფალსა უგალობდეთ.

წმიდაო, დიდო წინასწარმეტყველო ელია, ევედრე ღმერთსა ჩუენტჳს.

ქუეყანისა იყავ ანგელოზი და ზეცისა კაცი, რომელი-ეგე კაცთა შორის იქცეოდი, აწ მოგუხედენ მალლით, ღმერთშემოსილო, და დააცხრვენ აღმრვანი უხილავთა და ხილულთა ვნებათანი.

წმიდაო, დიდო წინასწარმეტყველო ელია, ევედრე ღმერთსა ჩუენტჳს.

დაუტევა რაჲ აღთქუმაჲ უფლისაჲ მეფემან ისრაელისამან, გამოგიჩნდა შენ ღმერთი, ვითარცა ურჩეულესსა მსახურსა მისსა და შენ მიერ ამხილა უღმრთოსა აქაბს, ვითარცა სჯულის გარდამავალსა.

დიდებაჲ მამასა და ძესა და წმიდასა სულსა.

საცთურისა ვერ დამთმენელმან უღმრთოებისათჳს ამხილენ ერსა მას ურჩსა ისრაელისასა და მოაწიე მათ ზედა სასჯელი ღმრთისად, აწ განგუაშორე რისხვაჲ მისი და შესცვალე ჭირი ჩუენი სიხარულად.

აწ და მარადის და უკუნითი უკუნისამდე, ამინ.

დედისა ქრისტჳსისა ქებათა შინა გალობად ღირსებით ვისწრაფოთ მორწმუნენო, ვითარცა ყოველთა მაცხოვრისა მშობელისა, ცხორებისა და სიკუდილისა მმეუფებელისა.

გალობა 3, განძლიერდასა

ძლისპირი: შენ, დამამყარებელო კამარათა ცისათაო, უფალო, და აღმაშენებელო ეკლესიათაო, დამამტკიცენ ჩუენ სიყუარულსა შენსა, თავო ყოვლისა სიხარულისაო, და განაძლიერებელო მორწმუნეთაო, მხოლოო კაცთმოყუარეო.

წმიდაო, დიდო წინასწარმეტყველო ელია, ევედრე ღმერთსა ჩუენტჳს.

უფალმან, ძალითა ძლიერმან, მოგცა შენ ძალი ცათა შეკრვისად და განჯსნისად და დახშენ რაჲ ბჭენი ზეცისანი, განახმენ ღრუბელნი სიტყვთა შენითა, აწ დაჯსენ ცოდვათა ჩუენტა საკრველნი და დაგვფარნე ვნებათა წყლულებისა და ამაოდსაგან სიკუდილისა.

წმიდაო, დიდო წინასწარმეტყველო ელია, ევედრე ღმერთსა ჩუენტჳს.

მადლობა ქუელისმოქმედსა და განმგებელსა, რომელი განაძლებს ყოველსა ცხოველსა, მან მხოლომან გიქმნა შენ საზრდელი ყორნისა მიერ, ელია, ესრევე აწ ჩუენტჳსცა ოხად ნუ დასცხრები წინაშე ღმრთისა, რადთა გჯკსნნეს ქუეყნისა უნაყოფობისა და გვაღვისაგან.

დიდებაჲ მამასა და ძესა და წმიდასა სულსა.

ნაშთი საზრდელისად მოაკლდა რად სარეფთას, ქურივისა თანა გამოგზარდა ღმერთმან გამოუთქუმელითა განგებულებითა და აკურთხა და განამრავლა მცირედი იგი ფქვილი და ზეთი ჯელითა შენითა, აწ შეგზწყალნე და ნუ მოგვაკუდინებ ჩუენ სიყმილითა და წყურილითა.

აწ და მარადის და უკუნითი უკუნისამდე, ამინ.

ადგილსა განწმედილსა დიდებისასა და საცნაურსა ტრაპეზსა, უბიწოო, ყოველთა ცხორებისა პურისა შემწყნარებელსა გიგალობთ შენ, დედოფალო.

გვკსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვვლტით, ვითარცა უძლეველისა ზღუდისა და შუამ-დგომელისა.

მოიხილე ჩუენ ზედა, ყოვლადქებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

მღდელობან: შეგზწყალენ ჩუენ, ღმერთო, დიდითა წყალობითა შენითა, კაცთმოყუარე, გევედრებით, ისმინე და შეგზწყალენ.

გუნდი: უფალო, შეგზწყალენ (3-გზის).

მღდელობან: მერმეცა გევედრებით ღმრთივდაცულისა ერისა ჩუენისა და მეუფებისა მისისათვის (ქრისტწსმოყუარისა მთავრობისა და მკედრობისა მისისათვს).

გუნდი: უფალო, შეგზწყალენ (3-გზის).

მღდელობან: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთა-თბილისის მთავარეპისკოპოსისა და ბიჭვინთისა და ცხუმ-

აფხაზეთის მიტროპოლიტისა, დიდისა მეუფისა, მამისა ჩუენისა ილიასათჳს, და ყოვლადუსამღდელოესისა (აჟა მოიხსენეთ ადგილობრივი მღდელოთმთავარი), და ყოველთა ქრისტჳს მიერ ძმათა ჩუენტათჳს.

გუნდი: უფალო, შეგჳწყალენ (3-გ ზის).

მღდელომან: მერმეცა ვევედრნეთ უფალსა ღმერთსა ჩუენსა, რადთა შეიწყალოს მონა ანუ მჳევალი (აჟა მოიხსენეთ სახელდებით ისინი, ვისთვისაც ევედრებით). განამრავლენ, უფალო, ჟამნი და წელნი ცხოვრებისა მათისანი და იკსენ იგინი, უფალო, ყოვლისაგან ჭირისა, რისხვისა და იწროებისა, და ყოვლისაგან წყლოულებისა სულისა და ჯორცთადასა და მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგჳწყალენ (3-გ ზის).

მღდელომან: მერმეცა გევედრებით ყოველთა მართმადიდებელთა ქრისტეანეთათჳს.

გუნდი: უფალო, შეგჳწყალენ. (3-გ ზის).

მღდელომან: რამეთუ მოწყალე და კაცთმოყუარე ღმერთი ხარ, და შენდა დიდებასა აღვაველნეთ, მამისა, და ძისა, და წმიდისა სულისა, აწ და მარადის და უკუნითი უკუნისამდე.

გუნდი: ამინ.

წარდგომაჲ, ჳმაჲ 4

წყაროსა საკჳრველებათასა და სამკაულსა წინადასწარმეტყუელთასა ყოველნი სარწმუნოებით გალობით შევასხმიდეთ, თეზბიტელსა ელიას, რამეთუ ვიდრე აჟამომდე ჯორცითა ცხოველ არს უკუდავად, და ვითარცა მოკუდავი სარწმუნო ჳყოფს მკუდართა აღდგომასა და კადნიერებაჲ აჟუს ღმრთისა მიმართ, და მისცემს კუერნებასა,

რომელნი სარწმუნოებით ითხოვენ, და ევედრების ქრისტესა, რადათა მოანიჭოს შენდობად ცოდვათა სიმრავლისა და დიდი წყალობად, რომელნი დღესასწაულობენ წადიერად კსენებასა მისსა.

გალობად 4, უფალო მესმასა

ძლისპირი: მესმა მე, ქრისტე, სმენა და შემეშინა, რამეთუ მამისაგან არა დაკლდი, და კაცთა შორის გამოსჩნდი ცხოვრებისათჳს სულთა ჩუენთასა მრავალმოწყალე.

წმიდაო, დიდო წინასწარმეტყველო ელია, ევედრე ღმერთსა ჩუენთჳს.

გყუედრიდა სიტყვთა ქურივი საზრდელისათჳს, წმიდაო, გარნა ძჳ მისი მომკუდარი სამგზის პირსა შინა შთაბერვითა განაცოცხლე და მიეც რაჲ დედასა მისსა, გლოვად მისი სიხარულად შეცვალე.

წმიდაო, დიდო წინასწარმეტყველო ელია, ევედრე ღმერთსა ჩუენთჳს.

რომელმან ენითა ქუეყანად ნაყოფიერი უნაყოფო-ყავ და წვიმად არა შეუნდევ ღრუბელსა, აწ წყალობითა მოგუჳედენ და ზეცით მაცოცხლებელი ცუარი გარდამოგვივლინე ჟამსა ხუატისასა.

დიდებაჲ მამასა და ძესა და წმიდასა სულსა.

რომელმან ერი ურწმუნოდ სიყმილითა შეაჭირვე, აწ ვითარცა ნათელსა შინა მყოფმან, ვნებათა ტყუეობისაგან მომაქციე, ბრძენო ელია, და საქმეთა ნათლისათა მუშაკობად წარმმართე.

აწ და მარადის და უკუნითი უკუნისამდე, ამინ.

სასოებად და სიმტკიცედ და ზღუდედ დაურღვეველად მომგებელნი შენნი, ყოვლად საგალობელო ღმრთისმშობელო ქალწულო, ყოვლისაგან ბოროტისა ვიკსნებით.

გალობა 5, ღამითგანსა

ძლისპირი: ნუსადა განმიშორებ პირისაგან შენისა, ნათელო წარუვალო, და დამფარა მე ბნელმან წყუდიადისამან განუნათლებელმან, არამედ მომხედენ და ნათელსა მცნებათა შენთასა წარჰმართე სლვაჲ ჩემი, გევედრები.

წმიდაო, დიდო წინასწარმეტყველო ელია, ევედრე ღმერთსა ჩუენთჳს.

შურითა კეთილმსახურებისაჲთა შეწულმან მოკრიბე რაჲ ყოველი ისრაელი და ცრუ წინაღწარმეტყუელნი მთასა მას ქარმელსა, პირველ ქურუმთა ბაალისთა ხადეს სახელსა კერპისასა და შესწირეს რაჲ ზუარაკი, სირცხვლეულ-იქმნეს ძალითა ღმრთისაჲთა.

წმიდაო, დიდო წინასწარმეტყველო ელია, ევედრე ღმერთსა ჩუენთჳს.

დასდევ რაჲ ზუარაკი შეშასა ზედა, დაასხ წყალი და ხადე სახელსა უფლისასა, რომელმან ზეცით მოჰხედა მსხუერპლსა შენსა, ვითარცა აბელისთა, და შეწვა რაჲ ალითა ცეცხლისაჲთა, შეძრწუნებულმან ერმან ცნო ღმერთი ისრაჴლისაჲ.

დიდებაჲ მამასა და ძესა და წმიდასა სულსა.

ორღანოდ გამოსჩნდი შენ, ღირსო, მაღლითა მგალობელად შურის მეძიებელისა ღმრთისა და უწყალოდ მოსწყვიდენ ცრუ წინაღწარმეტყუელნი, რომელნი ჰამდენ ტაბლისა მისგან იეზაბელისა,

აწ და მარადის და უკუნითი უკუნისამდე, ამინ.

მზისა დაუვალისა მშობელო, ღმრთისმშობელო, ყოვლითურთ განმანათლე მე დაბნელებული ვნებათა მიერ და აღმავსე მე საღმრთოდთა ნათლითა.

გალობა 6, ღალადყავსა

ძლისპირი: მომიტევენ სახიერ, აურაცხელნი ცოდვანი ჩემნი, რომელთათვის გიჳმობ შენ: მიჳსენ მე ბოროტთაგან. შენდა მომართ ვღალადებ: ისმინე ჩემი, ღმერთო, მაცხოვარო ჩემო.

წმიდაო, დიდო წინასწარმეტყველო ელია, ევედრე ღმერთსა ჩუენთვის.

შეჳმუსრე რად კადნიერებად ბილწთა მათ კერპთმსახურთად, დააცხრვე ურჩებით აღძრული რისხუად შემოქმედისად, და კეთილ მიმთუალველ ექმნა ვედრებათა შენთა ცურებითა წჳმისადთა და კეთილ-შეზავებითა ჳაერთადასა.

წმიდაო, დიდო წინასწარმეტყველო ელია, ევედრე ღმერთსა ჩუენთვის.

ღალათუ მეფჳ აჳაბ იხარებდა, ურცხვინო დედოფალი განრისხნებოდა და გეძიებდა მოკლვად, რამეთუ არა წმიდათა მღდელთა მისთა ზედა სიკუდილი მოაწიე ჳერისაებრ მსჯავრისა.

დიდებად მამასა და ძესა და წმიდასა სულსა.

რისხუასა წინაღწარმეტყუელთა მკულელისა იაზაბელისასა განელტე შენ და უდაბნოთა და მთათა შინა იქცეოდი სიყუარულისათვის ღმრთისა, რომელმანცა გამოგზარდა ანგელოზისა მიერ უშრომელითა საზრდელითა.

აწ და მარადის და უჳუნითი უჳუნისამდე, ამინ.

მარიამ, უბიწოო, ქალწულებისა ჳურო, განსწმიდე გონებად ჩემი ვნებითა დაბნელებული და აღავსე მადლითა და სიმართლითა, ღმრთისმშობელო, გული ჩემი.

გვკსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვვლტით, ვითარცა უძლეველისა ზღუდისა და შუამ-დგომელისა.

მოიხილე ჩუენ ზედა, ყოვლადქებულო ღმრთისმშობელო, და კორცთა ჩუენთა წყლულეზანი ბოროტნი განჰკურნენ და სულისა ჩუენისა სნეულეზანი.

მღდელოზან: მერმე და მერმე მშუდობით უფლისა მიმართ ვილოცოთ.

გუნდი: უფალო, შეგჳწყალოენ.

მღდელოზან: შეგჳეწიენ, გუაცხოვნენ, შეგჳწყალოენ და დაგუცვენ ჩუენ, ღმერთო, შენითა მადლითა.

გუნდი: უფალო, შეგჳწყალოენ.

მღდელოზან: ყოვლადწმიდისა, უხრწნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომჰსენებელთა, თავნი თჳსნი და ურთიერთარს, და ყოველი ცხოვრებაჲ ჩუენი ქრისტესა ღმერთსა ჩუენსა შევვედროთ.

გუნდი: შენ, უფალო.

მღდელოზან: რამეთუ შენ ხარ მეუფჳ მშუდობისაჲ, და მაცხოვარი სულთა ჩუენთა, და შენდა დიდებასა აღუავლოენტ მამისა, და ძისა, და წმიდისა სულისა, აწ და მარადის, და უკუნითი უკუნისამდე.

გუნდი: ამინ.

კონდაკი. ჳმაჲ 2

წინადაწარმეტყუელო და წინადაწარმხილველო დიდებულთა საქმეთა ღმრთისა ჩუენისათა, ელია დიდად სახელოვანო, რომელმან სიტყვთა შენითა დააყენე წყალ-მდინარჳ იგი ღრუბელი, მეოხ გუეყავ ჩუენ მხოლოდასა მიმართ კაცთ-მოყუარისა.

იკოსი

მრავალთა კაცთა უშჯულოებასა, ხოლო ღმრთისა მრავალსა კაცთ-მოყუარებასა, მხედველი წინადაწარმეტყუელი აღშფოთნებოდა, ელია, და რისხვით სიტყუათა უწესოებისათა, მოწყალისა მიმართ ჳმობდა: განრისხდი ურწმუნოთა ზედა, მსაჯულო სიმართლისაო, გარნა მოწყალეებანი სახიერისანი, ვერცალათუ ყოვლად აღძრნა მტანჯველობისა მიმართ ურჩთა მისთასა, რამეთუ მარადის სინანულსა ჳგებს ყოველთასა, მხოლო კაცთმოყუარე.

მღდელომან: მოხედენ, სიბრძნით. წარდგომა

შენ ხარ მღდელ უკუნისამდე, წესსა მას ზედა მელქისედეკისა.

მუხლი: მოსე და აჳრონ მღდელთა შორის მისთა.

მღდელომან: უფლისა მიმართ ვილოცოთ.

გუნდი: უფალო, შეგჳწყალებ.

მღდელომან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაგლებთ, მამისა, და ძისა და წმიდისა სულისა, აწ და მარადის, და უკუნითი უკუნისამდე,

გუნდი: ამინ.

მღდელომან: ყოველი სული აქებდით უფალსა.

მუხლი: აქედით ღმერთსა წმიდათა შორის მისთა, აქედით მას სამყაროთა ძალისა მისისათა.

მღდელომან: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჯყალენ (3-გ ზის).

მღდელომან: სიბრძნით აღემართენით და ისმინეთ წმიდა სახარება, მშუდობაჲ ყოველთა.

გუნდი: და სულისაჲცა შენისა თანა.

მღდელომან: მათესაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელომან: მოხედენ.

სახარებაჲ მათესი

ჰრქუა უფალმან თვსთა მოწაფეთა: რომელმან შეგიწყნარნეს თქუენ, მე შემიწყნარა; და რომელმან მე შემიწყნაროს, შეიწყნაროს მომავლინებელი ჩემი. რომელმან შეიწყნაროს წინაღსწარმეტყუელი სახელად წინაღსწარმეტყუელისა, სასყიდელი წინაღსწარმეტყუელისაჲ მიიღოს; და რომელმან შეიწყნაროს მართალი სახელად მართლისა, სასყიდელი მართლისაჲ მიიღოს. და რომელმან ასუას ერთსა მცირეთაგანსა სასუმელი ერთი წყალი გრილი სახელად მოწაფისა, ამენ გეტყვ თქუენ, არა წარუწყმდეს სასყიდელი მისი.

დიდებაჲ მამასა და ძესა და წმიდასა სულსა.

მეოხებითა წმიდისა წინაღსწარმეტყუელისა ელიადსითა, მოწყალეო, აღჯოცენ ცოდვათა ჩუენტა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისადათა, მოწყალეო, აღკოცე ცოდვათა ჩუენთა სიმრავლენი. მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა, აღკოცე უშუქულოებანი ჩემი და შემიწყალე მე, ღმერთო.

გერი: ნუ ვისსა ვედრებასა უგულებელს-ჰყოფ, სახიერო უფალო, რომელნი ესე ვევედრებით წინაღსწარმეტყუელსა ელიას, არამედ ლოცვითა მისითა შეიწირე გულსმოდგინებითი გალობაჲ ჩუენი, და მოგუმადლე სასყიდელი წინაღსწარმეტყუელთაჲ, რადათა ღირს-ვიქმნეთ დიდებასა შენსა ხილვად, და მათ თანა გალობად: ალილუია.

მღდელომან: აცხოვნე, ღმერთო, ერი შენი, და აკურთხე სამკვდრებელი შენი, მოხედენ სოფელსა შენსა წყალობითა და მოწყალებითა, აღამაღლე რქაჲ ქრისტეანეთა მართლმადიდებელთაჲ, და გარდამოავლინენ ჩუენ ზედა მდიდარნი წყალობანი შენნი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისადათა, ძლიერებითა პატიოსნისა და ცხოველსმყოფელისა ჯუარისადათა, ძლიერებითა ჯუარისა ვაზისადათა; მეოხებითა პატიოსანთა უსხეულოთა ზეცისა ძალთადათა, პატიოსნისა, დიდებულისა, წინაღსწარმეტყუელისა, წინამორბდისა და ნათლისმცემელისა იოვანწს და მართლისა ენუქისითა, წმიდათა დიდებულთა, და ყოვლად-ქებულთა მოციქულთა თავთა, პეტრესა და პავლესითა, წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა და მატათასითა; წმიდისა დედისა ჩუენისა, მოციქულთა სწორისა ქალწულისა ნინოდსითა, წმიდა მოციქულთა სწორთა: მეფისა მირიანისა და დედოფლისა ნანაღსითა; წმიდათა შორის მამათა ჩუენთა, და მსოფლიოთა დიდთა მოძღუართა და მღდელოთმთავართა, ბასილი დიდისა, გრიგოლი

ღმრთისმეტყუელისა, და იოვანე ოქროპირისადათა; წმიდათა და
 საკვრველთმოქმედთა მამათა ჩუენთა: ნიკოლოზ მრონლუკის
 მთავარეპისკოპოსისა და სპირიდონ ტრიმიფუნტელისადათა; წმიდისა
 ღირსისა მამისა ჩუენისა იოანე ზედაზნელისა და ათორმეტთა მისთა
 მოწაფეთა, მეორედ განმანათლებელთა საქართველოს ეკლესიისა და
 მარად მფარველთა მისთა. წმიდათა დიდებულთა და ღუაჩლისა-
 მძლეეთა მოწამეთა: წმიდისა მთავარმოწამისა ძლევაშემოსილისა
 გიორგისა და წმიდათა დიდთა ქალწულ-მოწამეთა ბარბარცსა და
 მარინცსითა; წმიდისა მღდელ-მოწამისა ნეოფიტე ურბნელისა და
 წმიდისა დიდისა მოწამისა აბო ტფილელისაითა; წმიდათა
 დიდებულთა მოწამეთა არგვეთის მთავართა დავით და
 კონსტანტინცსა; წმიდათა მოწამეთა ექვსი ათასთა გარეჯელთა
 ბერთა; წმიდათა ათთა-ბევრთა მოწამეთა, ტფილისს
 ხუარაზმელთაგან მოწყუედილთა და წმიდისა დიდისა მოწამისა
 შალვა ახალციხელისადათა; წმიდისა მთავარ-მოწამისა ბიძინასა და
 წმიდათა დიდებულთა მოწამეთა: შალვა და ელიზბარ ქსნის
 ერისთავთადათა; ღმრთივ-განბრძნობილთა ნეტართა მამათა:
 ილარიონ ქართველისა, სერაპიონ ზარზმელისა და გრიგოლ
 ხანძთელისადათა, და ღირსთა მამათა ჩუენთა ათონელთა: იოვანესი,
 გაბრიელისა, იოანე-თორნიკ-ყოფილისა, ეფთჳმისა და გიორგისითა;
 წმიდათა კეთილ-მორწმუნეთა და დიდთა მეფეთა ჩუენთა: ვახტანგ
 გორგასალისა, აშოტ კურაპალატისა, დავით აღმაშენებელისა და
 სოლომონისადათა; წმიდისა და კეთილმსახურისა მეფისა
 თამარისითა; წმიდათა კეთილად მძლეეთა მეფეთა და დედოფალთა:
 არჩილ, დემეტრე, შუშანიკ, ქეთევან და ლუარსაბისადათა; წმიდისა
 ილია მართლისადათა; წმიდისა ექვთიმე აღმსარებელისა და წმიდათა
 აღმსარებელთა: იოანე და გიორგი-იოანცსითა; წმიდათა და
 მართალთა მშობელთა ღმრთისმშობელისა იოაკიმ და ანნადსითა, და
 წმიდისა წინადასწარმეტყუელისა ელიადსითა, და ყოველთა წმიდათა
 შენთადათა, გვედრებით შენ, მრავალმოწყალეო ღმერთო, შეისმინე
 ჩუენ ცოდვილთა ვედრებად, და შეგვწყალებ ჩუენ.

გუნდი: უფალო, შეგკწყალენ.

მღდელომან: წყალობითა და მოწყალებითა და კაცთმოყუარებითა მხოლოდშობილისა ძისა შენისადათა, რომლისა თანა კურთხეულ ხარ, თანა ყოვლადწმიდით, სახიერით, და ცხოველსმყოფელით სულით შენითურთ, აწ და მარადის და უკუნითი უკუნისამდე.

გუნდი: ამინ.

გალობა 7, კურთხეულარსა

ძლისპირი: ქუეყანით იუდასით ბაბილონს წარიტყუენნეს მძლავრისა მიერ ყრმანი, სულითა შემოსილთა ცეცხლი სახმილისა მის განაქარვეს და იტყოდეს: „კურთხეულ ხარ შენ უფალო, ღმერთო მამათა ჩუენტაო“.

წმიდაო, დიდო წინასწარმეტყველო ელია, ევედრე ღმერთსა ჩუენტვს.

მიიწიე რად მთასა მას ღმრთისასა ქორებად, ყოვლად ქებულო ელია, გამოგეცხადა შენ უფალი ძრვითა და ნიავექართა წულილითა, ხოლო ბრძანებითა მისითა ჰპოვე რად ელისე, ხალენი შენი დააგდე მის ზედა და ზიარ-ჰყუენ საღმრთოღსა დიდებისა.

წმიდაო, დიდო წინასწარმეტყველო ელია, ევედრე ღმერთსა ჩუენტვს.

ღმრთივგანბრძნობილსა გეუწყებოდეს ძალნი საღმრთონი და ერსა მას, ღმრთის რჩეულსა ასწავებდი გზასა მართალსა და საცხოვნებელსა, ეგრეთვე აწ მიფენითა მადლისა შენისადათა განმწმიდე და განმანათლე და ძლუნად მიმაჰყარ ზეცათა მეუფესა.

დიდებაჲ მამასა და ძესა და წმიდასა სულსა.

ზღუდედ საღმრთოდ, სიმტკიცედ და კეთილად შესავედრებელად მოგიგო შენ ისრაელმან, ხოლო აწ დაიფარე ქრისტეს მოსახელზე ერი შჯულიერი - წარმწყმედელთა გზათაგან განარინნე და ასწავე გზად უცთომელი, ზეცად აღმყუანებელი.

აწ და მარადის და უკუნითი უკუნისამდე, ამინ.

მაცხოვრე მე, დედაო ღმრთისაო, შეპყრობილი სიღრმითა შეცოდებისაჲთა და ყოველთა მტერთა სიბოროტისაგან გამომიტაცე, რაჲთა ცხოვნებული ვადიდებდე შეწევნასა შენსა.

გალობა 8, აკურთხევდითსა

ძლისპირი: მეუფესა ცათასა, რომელსა მსახურებენ გუნდნი ანგელოზთანი უგალობდით და ამალლებდით მას უკუნისამდე.

წმიდაო, დიდო წინასწარმეტყველო ელია, ევედრე ღმერთსა ჩუენთვს.

ისრაელთა შორის ჰბრწყინევდი სათნოებითა, სანატრელო, აწ ახლისა ისრაელისათვსცა იღვაწე შესულად ზეცისა იერუსალჴმსა.

წმიდაო, დიდო წინასწარმეტყველო ელია, ევედრე ღმერთსა ჩუენთვს.

განშუენდი სიმართლითა თუალუხუავითა, დიდებულო ელია, და ხალენითა განაჰპენ მდინარჴ იორდანისაჲ და წიაღვლენ ფერკითა.

დიდებაჲ მამასა და ძესა და წმიდასა სულსა.

აწვიმა შენ ძლით ცეცხლი ზეცით შემწველად მრჩობლ ორმეოც და ათთა მათ მხედართა, არამედ ჩუენ შეგჴწყალენ და ოხათა შენთა ძლიერებითა კუალადცა აღამალლე ღირსებაჲ და დიდებაჲ ერისა ჩუენისაჲ.

აწ და მარადის და უკუნითი უკუნისამდე, ამინ.

რომელი იგი ჰმევ სიტყუად უაღრეს სიტყუსა, ღმრთისმშობელო წმიდაო, მას ევედრე სარწმუნოებით პატივისმცემელთათჳს შენთა.

გალობა 9, ადიდებდითსა

ძლისპირი: ღმრთისმშობლად აღგიარებთ, რომელნი შენ მიერ ვიქსნენით, ქალწულო უბიწოო, და გუნდსა თანა უკორცოთასა შენ დაუცხრომელად გადიდებთ.

წმიდაო, დიდო წინასწარმეტყველო ელია, ევედრე ღმერთსა ჩუენთჳს.

აღტაცებულ იქმენ ცეცხლის ფერთა ეტლითა და ჰუნებითა ცათა შინა, საკვრველი ეგე დიდებული, წინადსწარმეტყუელი მამად და ნეტარი მოლუაწჳ, და განაგდე რად ხალენი, მით შემოსილი ელისე მიიღებდა ორკეცსა უკუე მადლსა საღმრთოსა.

წმიდაო, დიდო წინასწარმეტყველო ელია, ევედრე ღმერთსა ჩუენთჳს.

ცეცხლისა ეტლითა განვლე რად ცათა სიმაღლენი, და მიიწიე წინაშე ღმრთისა, მოგანიჭა მადლი ცეცხლ-მობერვილი უხრწნელ-მყოფელმან შენმან, არა ხილვად სიკუდილი ვიდრე ქადაგებადმდე ჟამსა მას ანტჳს მოსლვისა და ყოველთა აღსასრულისასა.

დიდებად მამასა და ძესა და წმიდასა სულსა.

მთასა ზედა ფერი იცვალა რად ქრისტემან, იხილე მოსეს თანა, რომელი თუალმან არა იხილა და ყურსა არა ესმა, მამისა დიდებითა განბრწყინვებული უფალი თაბორს ზედა.

აწ და მარადის და უკუნითი უკუნისამდე, ამინ.

გიტკრთავს შენ ღმერთი წიაღითა, მტკრთველი ყოველთა და ზრდი მზრდელსა, წმიდაო, რომელი გუემსგავსა ჩუენ, მას ევედრე მონიჭებად ერთა შენთა ვსნად ყოველთაგან ბოროტთა.

ღირს-არს ჭეშმარიტად, რადთა გადიდებდეთ, შენ ღმრთისმშობელო, რომელი მარადის სანატრელ იქმენ, ყოვლად-უბიწოდ და დედად ღმრთისა ჩუენისა. უპატოსნესსა ქერუბინთასა, და აღმატებით უზესთაესსა სერაბინთასა, განუბრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებდეთ.

მღდელომან აკმიოს.

წინადაწარ უწყებათა შენთა აღსრულებითა, წინადაწარმეტუელად სარწმუნოდ გიწოდდა შენ ისრაელი, და ჩუენცა მოველით საკვრველსა გამოჩინებასა შენსა, რადთა სწინადაწარმეტყუელო ცხოველსმყოფელი მოსლვად ქრისტჳსი.

მრჩობლ-ძალითა იგი შემოსილი ხალენი შენი მიებოძა რად სამეუფოსა მას ქალაქსა მცხეთას, დაფლეს სიწმიდჳ იგი ქუეშე ქუათა შინა ულპოლველად ვიდრე ჟამადმდე მისა, და აღმოეცენა მას ზედა წყალი იგი სასწაულთმოქმედი, რომლისაგან კუალად აღმოადინებ კურნებასა, რადსთვსცა გული გვთქმს მისლვად „დედასა ყოველთა ეკლესიათასა - სუეტიცხოველსა“, რადთა სიწმიდჳ ესე მჭურვალედ შევიტკბოთ და კურნებადცა აღმოვივსოთ მაქებელთა შენთა.

ჟ, დიდებასა მას პატოსანსა, რომელსა ღირს იქმენ ზეცად მსრბოლი ეგე წინადაწარმეტყუელი, რამეთუ განგებითა ღმრთისაათა წინადაწარ-მომავალ ხარ დიდისა ენუქისა თანა, ვიდრემდე მეორედ მოსლვასაცა, ანტიქრისტჳს სამხილებელად და მართალთა სანუგეშებელად, ღმრთივსანატრელო ელია.

წინადაწარმეტყუელსა წმიდასა და ანგელოზსა ღმრთისასა და მეორედ მოსლვისა მისისა კაცთა მომართ ქადაგსა სარწმუნოსა მჭურვალედ გევედრებით: გამოუთქმელითა ძალითა შენითა

მარადლე თანამავალ გუექმენ, ღმრთივსულიერო, და განსდევნე მტერნი და მბრძოლნი ჩუენნი, და მოაუძლურე მწვალებელნი.

მსჯავრი სამართალი მეუფისაჲ საზარელი ბრძანებულ არს ერთა ურჩთა და წინააღმდგომთაჲ, ვითარცა სწინაღსწარმეტყუელე, ღმრთივსანატრელო ელია, არამედ აწ სულითა ნუ განეშორები ჩუენგან და ევედრე ქრისტესა, მეუფესა ჩუენსა, მოიხილოს ერსა თვსსა ზედა, რომელსა არა გუაქუს სიტყვსგებაჲ წინაშე მისსა, რადთა არა სამართლად მოგვაგოს ბოროტად საქმეთა ჩუენთათვს და მოჰმადლოს სულმოკლებასა ჩუენსა სულგრძელებაჲ.

აწ-ვე განძლიერებულ არს ზრახვაჲ იგი უშჯულოებისაჲ და მეცა, უდებებისა მედგრობათაგან ძლეული, ვსძრწი მოსალოდებელისა მისთვს დღისა დიდებით მეორედ მოსლვისა ქრისტესისა, რამეთუ არა მომიგიეს მე საქმწ, რომლითამცა განვმართლდე წინაშე საყდართა მისთა, სადაჲთ იგი მომხედენ მე და მომფინე მადლი და წყალობაჲ.

ჟ, დიდებულო და უხრწნელო დედაო ღმრთისაო, სიმრავლისაგან ცოდვათა ჩუენთაჲსა არაჲ გუაქუს კადნიერებაჲ, რადთამცა ვევედრნეთ ღმერთსა, არამედ მოვიდეს რაჲ ძწ შენი განჰსჯად ყოვლისა სოფლისა, მაშინ მეოხ-გვეყავ ჩუენ წინაშე მისსა, რადთა წინაღსწარმეტყუელთა და ყოველთა წმიდათა თანა ურცხვენელითა და მხიარულითა პირითა აღვიმსთოთ გალობად ყოვლად წმიდისა სამებისა:

წმიდაო ღმერთო, წმიდაო ძლიერო, წმიდაო უკუდაო, შეგჳწყალენ ჩუენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგჳწყალენ ჩუენ; უფალო, გჳჰსენ და გჳლხინე ცოდვათა ჩუენთაგან; მეუფეო, შეგჳნდვენ უშჯულოებანი

ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგჳწყალენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიჰსნენ ჩუენ ბოროტისაგან.

მღდელმან: რამეთუ შენი არს სუფევად...

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყჳს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შემიწყალენ ჩუენ.

დიდებაჲ მამასა და ძესა და წმიდასა სულსა,

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩუენ ფრიად, და ნუცა მოიჰსენებ უშჯულოებათა ჩუენთა, არამედ მოიხილე ჩუენზედა წყალობითა, ვითარცა სახიერ ხარ, და გჳკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ჳელთა შენთანი ვართ და სახელი შენი წოდებულ არს ჩუენ ზედა და შემიწყალენ ჩუენ.

აწ და მარადის და უკუნითი უკუნისამდე, ამინ.

მოწყალებისა კარი განგვლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხო-რებად ნათესავისა ქრისტეანეთადასა.

მღდელომან: შეგვწყალონ ჩუენ, ღმერთო, დიდითა წყალობითა შენითა, გვედრებით, ისმინე და შეგვწყალონ.

გუნდი: უფალო, შეგვწყალონ (3-გ ზის).

მღდელომან: მერმეცა გვედრებით, წყალობისა, სიცოცხლისა, მშვიდობისა, სიმრთელისა, დღეგრძელობისა, ცხოვრებისა, განათლებისა, მოტევებისა, კეთილად წარმართებისა და მყუდროებისა მონათა (ანუ მკვევართა) ღმრთისადათა და ყოველთა მვლთა ჩუენისა ეკლესიისადათა, რადთა დაიცვას უფალომან ღმერთმან ჩუენმან სამეუფოდ ქალაქი ესე ჩუენი და წმიდად ესე ეკლესიად და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახვლისა, უცხო-თესლთა ზედა მოსლვსაგან, ბრძოლისა და სიკუდიდმემოსილისა წყლოულებისა, რადთა მოწყალე გუექმნეს ჩუენ ღმერთი კეთილად დგომისათჳს სახი-ერებითა და კაცთმოყუარებითა თჳსითა, და გარეწარაქციოს რისხვად, მარად დღე ჩუენ ზედა მომავალი, და გვკნუნეს ჩუენ სამართლად ჩუენ ზედა მოწევნულისა რისხვისაგან, და შეგვწყალონეს ჩუენ.

გუნდი: უფალო, შეგვწყალონ (40-გ ზის).

მღდელომან: შეისმინე ჩუენი, ღმერთო, მაცხოვარო ჩუენო, სასოო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელ, და მოწყალე ექმენ შეცოდებათა ჩუენთა, და შეგვწყალონ ჩუენ, რამეთუ მოწყალე და კაცთმოყუარე ღმერთი ხარ და შენდა დიდებასა აღვაგლონთ, მამისა, და ძისა, და სულისა წმიდისა, აწ და მარადის, და უკუნითი უკუნისამდე.

გუნდი: ამინ.

სავედრებელი ლოცვა

ჰ, ყოვლად ქებულო და ნიშ-სასწაულებითა გაბრწყინვებულო წინადასწარმეტყველო ელია თეზბიტელო! სამებისა წმიდისა მიერ გამორჩეულო და კაცობრივითა ჯორცითა ზეცად აღტაცებულო, ანგელოზთაგან ქებულო, მოსაგრეთაგან თაყუანისცემულო, ქრისტეანეთა მიერ სასოებითა სანატრელო და ყოველთა უპოვართა, განწირულთა და შენდამი მოლტოლჯლთა შესავედრებელო ზღუდეო და მტკიცეო საფარველო.

ჰ, წინადასწარმეტყუელო და მეორე წინა-მორბედო ქრისტეს ქუეყანასა ზედა მეორედ მოსვლისაო ელია! უხრწნელად დაგბადა შენ ღმერთმან, რადთა არ იგემო სიკუდილი, ვიდრე იერუსალჴმით არა იქადაგებ დასასრულისათჳს ქუეყანისა, და ენუქისა თანა მოაქცევ შეცთომილთა და სირცხვლეულ ჰყოფ ანტესა შედგომილთა, ვიდრემდე არა მოიკლნეთ მის მიერ, ხოლო შემდგომად სამისა დღისა სული ღმრთისაჲ ცხოველი შემოვა თქუენ თანა და მოწოდებითა აღხუალთ ღრუბლითა ზეცად, ვითარცა წინადასწარმეტყუელა წმიდამან მოციქულმან იოანე ღმრთისმეტყუელმან, ხოლო რომელი არა მოიქცეს, დაეცეს უშჯულოებისა დაცემითა, ამისთჳს გვედრებით: შეუძრველად დაიცევ ქრისტჴს წმიდაჲ ეკლესიაჲ კუეთებისაგან მტერთაჲსა და მძლე ჰყუენ მწვალებელთა ზედა, ხოლო ჩუენ ყოველთაგან ტომთა, ბრძოლად ჩუენდა შემოკრებულთა გჳკსენ და დაგჳფარენ ანტიქრისტეს ხიზლისა და საცთურისაგან. განამლიერე დიდი მეუფე ჩუენი, უწმიდესი და უნეტარესი, სრულიად საქართველოს კათოლიკოს-პატრიარქი, მცხეთა-თბილისის მთავარეპისკოპოსი, და ბიჭვინთისა და ცხუმ-აფხაზეთის მიტროპოლიტი, მამაჲ ჩუენი ილია, ყოვლად-სამღდელონი მიტროპოლიტნი, მთავარეპისკოპოსნი და ეპისკოპოსნი, და ყოველნი სამღდელონი და სამონაზვნო წესნი; მოგუმადლე ქრისტესმოყვარე მთავრობაჲ და მჳედრობაჲ მისი;

დაიცვენ მემუშაკენი ერისა და წმიდისა ეკლესიისა ჩუენისანი და ყოველნი მართლმადიდებელნი ქრისტეანენი.

ჟ, ყოვლად-პატიოსანო წინადაწარმეტყუელო ელია თეზბიტელო, ყოვლადწმიდისა სამებისა სათნოო და ანგელოზთა მობაძავო და თანამოსაგრეო, რომელმან ცანი შეჰკრენ და ცუართა აღვრ-ასხენ: ჰაერთა უბრძანე და ცეცხლსა ზეგარდამო მოუწოდე. და მოსწყდენ რად ქურუმნი, დააცხრვე რისხუად ღმრთისაჲ, და უბრძანე ღრუბელთა, რადთა გარდამოიღონ წვმაჲ ქუეყანასა ზედა, აწ გარდამოიხილე მოწყალითა თუალითა ერსა ჩუენსა ზედა და ევედრე ყოვლად სახიერსა ღმერთსა, რადთა არა განგვირისხდეს ჩუენ უსჯულოებათაებრ ჩუენთა, არამედ განგვათავისუფლოს ცოდვათაგან და განგვაშორნოს სიყმილი ჯორცთაჲ და წარწყმედაჲ სულთაჲ, დაგვფაროს ცეცხლისაგან, მახვლისა, ზედა დასხმისაგან მტერთასა და ყოვლისაგან წინა-აღმდგომისა, მოგუმადლოს მშვიდობითი და უშფოთველი ცხორებაჲ, კეთილ-შეზავებულობაჲ ჰაერთსაჲ და კეთილ ჟამიერი წვმაჲ ნაყოფთა გამოღებაჲ ზეცით გარდამოუვლინოს ქუეყანასა და კეთილდღეობითა გვაცხოვნოს ყოველნი, რადთა წინამძღუანებულნი და დაცულნი ლოცვითა შენითა, მიწევნულ ვიქმნეთ საუკუნესა მას მშვიდობასა და შენტანა ვადიდებდეთ ღმერთსა, სამწმიდაობითა დიდებულსა, მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მღდელომან: *სიბრძნით!*

ყოვლადწმიდაო ღმრთისმშობელო, გუაცხოვნენ ჩუენ.

გუნდი: *უპატიოსნესსა ქერუბიმთასა და აღმატებით უზესთაესსა სერაბინთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით ვადიდებდეთ.*

მღდელომან: *დიდებაჲ შენდა, ღმერთო ჩუენო, დიდებაჲ შენდა.*

გუნდი: დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგვწყალებ. (3-გზის). გუაკურთხენ.

მღდელმან: ჩამოილოცოს.

გუნდი: ამინ.

ერისკაცმან: დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო, შეგვწყალებ (3-გზის), უფალო, იესუ ქრისტე, ძეო ღმრთისაო, მეოხებითა ყოვლადწმიდისა დედისა შენისაჲთა, მადლითა და ლოცვითა დიდისა წინაღწარმეტყუელისა ელიაჲსითა და ყოველთა წმიდათაჲთა, შეგვწყალებ ჩუენ, ამინ.

ხატისა მისისა მთხვევასა ზედა ვგალობთ ესრეთ:

ყოველივე თქმული შენი ჭეშმარიტ-არს, წინაღწარმეტყუელო ელია, რამეთუ დაფარულსა საიდუმლოსა, ვითარცა ცხადსა ჰხედევდი და მომავალი სარწმუნოდ უწყოდი, ვინაჲცა კადნიერებად გაქუს წინაშე ღმრთისა, მას ევედრე, სანატრელო, რაჲთა მოგუცეს ჩუენ წყალობად და თანაწარგუხადოს რისხუად, აღძრული ცოდვათა ჩუენთათჳს და დაამხუნეს მწვალებელთა სიბორგილენი, და დაჯსნას ზახებად მტერთაჲ და შეზღუდოს ერთობისა მიერ ეკლესიაჲ, რაჲთა არა ჰსთქუან უღმრთოთა და ქრისტჳს მბრძოლთა სადა არს ღმერთი მათი, რომლისა მიმართ აქუთ სასოებად.

დედოფალო, მოხედენ ვედრებასა მონათა შენთასა, და მეოხებითა წინაღწარმეტყუელისა ელიაჲსითა აღგვისრულნე კეთილი თხოვად ჩუენი, რაჲთა ღირს-ვიქმნეთ საუკუნოსა ნეტარებასა.

შეადგინა თინათინ მჭედლიშვილმა